

ecce angeli accesserunt, & ministrabant ei, & Marci. i.  
Eratq; cum bestijs, & angeli ministrabant ei: & Luc. 22.  
Apparuit autem illi angelus de celo, confortans eum :  
ac in resurrectione eius singuli Euangelistæ angelos ap-  
paruisse dixerunt : in eius autem ascensione pariter , ut  
Act. i. Quod si alias descenderint , Euangelistæ tacue-  
runt, quia ipse Christus dixerat , factum tamen credere  
oportet.

## CAPUT SECUNDUM.

Christus aqua in vinum mutata descendit Caphar-  
naum, & inde Ierusalem, ubi negotiatores  
à templo eiecit, & signum electio-  
nis ostendit.

**E**t die tertia nuptie factæ sunt in Cana Galilææ,  
& erat mater Iesu ibi. Vocatus est autem et Ie-  
sus, & discipuli eius ad nuptias.

Caietanus exponit tertia die à quo venit Nathanaël, sed id videtur falsum: aut de die intermedia in-  
ter aduentum Nathanaëlis & nuptias, planè Ioannes ta-  
cuit. Porro cùm vnius die tantum præcedentis memi-  
nimus, de tertio sequente dicere solemus, nō tertio die,  
sed tertio post die. Faber hic imaginatur , atque id pro  
vno ipsius arbitrio, quod tertio die à sabbato factæ sunt  
nuptie. At cùm sabbati toto priori capite mentionem  
non fecit Ioannes , cur existimat Faber tertia die à sab-  
bato factas esse has nuptias, potius quām tertia die à pri-  
ma, secunda, & tertia die sabbati: Idcirco tertia die mihi  
referendum videtur ad ea quæ narrare coepit Ioannes  
de Christo inter homines versante, scilicet ab eo facto ,  
quo Ioannis duos discipulos exceptit in domum suam.  
De qua dicit Ioannes : Altera die iterum , &c. qua die  
hos p̄itibus duobus apud Christum superuenit Si-  
mon. Secunda dies , de qua dicit, in crastinum sive po-  
stridie (nam Græcè est ἡ ταύτη) eadem vox, qua paulo  
ante usus est, ac die secunda collocutus est cum Natha-  
naële Christus , & die tertia nuptie factæ sunt in Cana  
Galilææ. Alij tertium diē altius speculantur, tres sumé-  
tes dies tribus mysterijs celebratas in Ecclesia : prima  
dies,

dies, quando Magi <sup>tertia</sup> decima die à natali Christi et visitauerunt: secunda, triginta ferè annis reuolutis eadē die 13. à natali Christi ipse baptizatus est: anno verò revoluto eadem die, qua respectu aliarum tertia est, nuptiæ factæ sunt in Cana Galilææ. Vnde sic canit Ecclesia in die Epiphaniae: Hodie cœlesti sposo iuncta est Ecclesia: quoniam cum muneribus Magi currunt ad regales nuptias: hodie in Iordanæ Christus baptizari voluit: hodie ex aqua vinum facta lètantur coniuixæ. Vnde tribus miraculis ornatum diem sanctum colimus. Et hec est <sup>tertia</sup> dies mysteriorum Christi, qua factæ sunt nuptiæ in Cana Galilææ. Cana in tribu Aser, vbi & miraculum præsens factum est, vnde & Nathanael erat, vt Ioan. 21. à Ptholemaida quinq; leucis distans, vbi adhuc monstratur nobile illud nuptiarum triclinium subterraneum.

*Et deficiente vino, dicit mater Iesu ad eum: vinum non habent. Et dicit ei Iesus: Quid mihi & tibi mulier? nondum venit hora. Dicit mater eius ministris: Quodcumque dixerit vobis, facite.*

Credendum est magis cum Cyrillo ex officiosa humilitate & benignitate vini parentiam Christo Mariam indicasse, quām vilo gloriolæ affectu, sicut quidam assertere ausi sunt, sed vt palam indicata indigentia solita sua benignitate Christus vteretur. Christus autem non statim matris petitioni annuens, dicit: Quid mihi & tibi mulier? Quem locum malo interpretati cum Chrysostomo: quid ad nos, te scilicet, & me spectat, si vinum non habent. Græce enim sic habetur, τί μοι καὶ σοι γύρει; id est, quid tibi mecum est, q.d. Sine illos prius suam penitriam sentire, vt beneficium sibi factū melius agnoscant. Et quod dicit: Nondum venit hora mea, perinde est ac si dicat: Nondum opportunitas est faciendi miraculi, priusquam scilicet indigentiam suam agnouerint. Quidam interpretantur: quid mihi & tibi est, id est, quid tibi mecum est? q.d. Nequaquam ad te spectat id ex me rogare quod facturus sum, cùm venerit hora mea, & cùm commodum duxero. Præstat autem prima intellectio. Mater enim intelligens se refutatam non esse, sed dilatata tantum

tantum pro temporis opportunitate miraculi occasionem, jubet ministris praesto esse ad mada Christi peragenda. Erant autem ibi lapides & hydriæ sex positaæ secundum purificationem Iudeorum, capientes singulae metretas binas, vel ternas. Dicit eis Iesus: Impleta hydriæ aqua. Et impleuerunt eas usque ad summum. Et dicit eis Iesus: Haurite nunc, & fertе architriclinio: Et tulerunt. Ut autem gustauit architriclinus aquam vinum factam, & non sciebat unde esset, ministri autem sciebant, qui hauserant aquam, vocat spousum architriclinus, & dicit ei: Omnis homo primum bonum vinum ponit, & cum inebriati fuerint, tunc id quod deterrius est: tu autem seruasti bonum vinum usque adhuc.

Secundum purificationem inquit, Iudeorum, dictum est in Matthæo, frequentem suisse Iudeis ablutionum usum, præsertim cum mensa accumbere vellent. Ad quas lotiones peragendas habere solebant eam in rem paratas in conuiuis suis hydriæ. Erant ergo inquit, sex hydriæ pro more Iudeorum positaæ, ad eos purificandos & abluendos qui opus haberent. Et quia multi erant coniuix, multis, & capacibus opus erat hydrijs. Ideo inquit, erant sex capientes singulae metretas binas aut ternas. Metretas aut metretæ (ut Budæus de asse ait ex Dioscoride) est mensura congiorum decem. Decem autem congij. 60. sextarios valent, id est, amphoram & quadrantem. Georgius autem Agricola assert continere congios duodecim, hoc est, sextarios 72. putatque cum Alciato, ubi habet Dioscorides: ἕαρι δὲ δέκα τρίτης ὀχεῖς, id est, congij 10. legendum esse ὀχεῖς 10. Quod Nicadri interpres dicat, si μετρήτης ἕχει εἴσας οὐδὲ, hoc est, metretes capit sextarios 72. Dicitque idem hoc Agricola, quod metretes 108 libras capit. Quod si de nostratis libris intelligit, sunt 54. mensuræ, quas Parhisiini pintas appellant. Atque ita singula hydriæ 108. pintas nostrates, quæ binas metretas capiebant: quæ ternas. 162. Has hydriæ cùm per ministros aqua impleri iussisset, facta mutatione aquæ in vinum, quo miraculi veritas magis patesceret, architriclinio gustandum ferri iussit. Architriclinum autem vocat eum, qui curando conuiuo præterat, quâsi principem triclinij, cuius e-

rat de ijs quæ ad conuiuum spectarent, disponere. Est autem triclinium, locus in quo veteres cenare solebāt, in lecto accumbentes, dictum à tribus lectis. Nam κλίνη Græcis lectus dicitur.

Hoc fecit initium signorum Iesus in Cana Galilææ, & manifestauit gloriam suam, et crediderunt in eū discipuli eius.

**† Mat. 4.d** ¶ Post hæc descendit Capharnaū ipse & mater eius, & fratres eius, & discipuli eius, et ibi manserit nō multis diebus.

Multa alia fecerat Iesus miracula incarnatus, natus, ieunans, & huiusmodi innumera, sed nō ita manifesta, sicut transmutatio elementorum inter seipsa. In quo miraculo gloriam diuinitatis suæ manifestauit haecnam latenter. Vnde consyderandum est, quod Christus has nuptias præsentia sua honorauit, simulque conuiuo interfuit, ex quo sanctum approbare voluit connubium. Neque ideo conuiua damnanda censuit, modo frugi sunt & moderata. Hoc autem exacto miraculo descendit Iesus Capharnaum cum matre, cognatis, & discipulis, vt inde Ierosolymam ad diem festum Paschæ ascenderet.

**† Matth. 21.b.** Et prope erat Pascha Iudeorum, & ascendit Iesus Ierosolymam, & inuenit in templo vendeantes oves, & boues, & columbas, & nummularios sedentes. Et cum fecisset quasi flagellū de funiculis, omnes eiecit de templo, oves quoque & boues, & nummulariorum effulgit os, & mensas subuerit. Et his qui columbas vendebant, dixit: Auserte ista hinc, & nonnolite facere domum patris mei, domum negotiatio-  
**Mar. 11.d.** nis. Recordati sunt vero discipuli eius, quia scriptum est: **Luc. 19.g.** Zelus domus tue comedit me.

**45.dist.c.** Etsi licet viderentur vendi & emi in templo, quæ templo offerenda erant, & ibi immolanda, noluit tamen dominus, quæ sub honesta quadam occasione fieri putabantur, templo suo exhiberi, nimirum quod esset ad hoc institutum, vt orationis, non negotiacionis haberetur locus. Vnde negotiatores, qui in eo oves, boues, & columbas vendebant vel emebant, eiecit: nummularios autem, qui ad hoc paratas conferebant pecunias, dissipavit, & omnes simul extra templum funiculo expulit. Hæc amplius videbis Matth. 21. quanquam non idem factum hic &

hinc & illic narratur, sed propè simile.

Respondent ergo Iudei, & dixerunt ei: Quod signum ostendis nobis, quia hæc facis? Respondit Iesus, & dixit eis: Soluite templum hoc, & in tribus diebus excitabo illud. † Matt. 26. Dixerunt ergo Iudei: Quadragesima & sex annis adificata &c. 27. c. tum est templum hoc, & tu in tribus diebus excitabis illud? Mar. 14. f. Ille autem dicebat de templo corporis sui. Cum ergo resurrexit & 15. c. xisset à mortuis, & recordati sunt discipuli eius, quia hoc dicebat, & crediderunt scripture, & sermoni quem dixi & 15. c. xii Iesus.

Respondere pro simpliciter loqui ac dicere in Mattheo diximus, etiam si nulla intercesserit interrogatio. Quod signum inquit, ostendis nobis, quia hæc facis? id est, ostende nobis signo aliquo edito, quod non temere hoc facias, sed Dei autoritate. Quemadmodum & Moyses legationem suam Exodi. 3. à signis auspicatus est. C H R I S T U S autem a i u y u a r i n e s eis respondit, dicens: Soluite templum hoc, id est solueris. Frequens enim in scripturis est imperatiuus vti pro futuris indicatiu: de templo corporis sui loquens, quod verè templum Dei est, in quo, teste Paulo, omnis plenitudo diuinitatis etiam corporaliter, in quo præcipue orationes exaudiuntur. Et cum inquit, solueritis, in tribus diebus excitabo illud, id est, resurgere faciam, innuens his verbis C H R I S T U S: Ego potestatis qua hæc facio, nullum vobis modò signum ostendam, sufficiet signum illud, cum post dissolutum à vobis corporis mei templum hoc, meapte autoritate resurgere me videritis. Noluit autem apertis verbis id eis dicere, sed anigmaticis. Unde de templo materiali intelligentes, mirantur illud tam citò reædificandum, quod sub Esdra primo Cyri anno reædificari ceptum, sexto anno Darij filij Histaspis absolute est, nempe secundum Hebræorum supputationem intra annos 46. iuxta alios Chronographos annos.

Cum autem esset Ierosolymis in Pascha in die festo, multum crediderunt in nomine eius, videntes signa eius que faciebant. Ipse autem Iesus non credebat semetipsum eis, eo quod ipse noſset omnes, & quia opus ei non erat ut quis te-

CAP. III. EVANGELIVM

testimonium perhiberet de homine. Ipse enim sciebat quid esset in homine.

Quanuis multi crederent in eo, nō tamen ut Deo, sed ut propheta: & ideo quia nosset quo animo afficerentur erga eum, non credebat se illis, eo quod nosset omnes, id est, peruersum eorum in se animum per se ipse nouerat, nec alicuius testimonio indigebat ad declarandam Iudæorum in se mentem: quippe qui scire quid in homine esset, qui animalorum scrutator esset & cordium.

CAPVT TERTIVM.

Vnum ex his qui erga eum afficerentur Nicodemum, super regeneratione per baptismum instruit. Iudeam lustrando docet & baptizat, unde  
Ioannis discipuli æmulantes, Ioanni queruntur, quos ipse  
arguit.

†Infr. 7. g. **E**t Rat autem homo ex Pharisæis, Nicodemus nomine, princeps Iudæorum. Hic venit ad Iesum nocte, et dixit ei: Rabbi, scimus quia à Deo venisti magister. Nemo enim potest hæc signa facere quæ tu facis, nisi fuerit Deus cum eo.  
Nicodemus vnum eorum qui per signa Christum crediderant esse prophetam, timens plebis offenditionem, vel cum magister esset, nō audebat palam sciscitari ex Christo quis esset, nocte Christum adiit, plenius super creditis ipsum interrogaturus: & quia princeps Iudæorum erat, fidei mysteria discere curauit. Princeps autem Græcè ἄρχος, vel ἄρχων: ἄρχοντες autem, ut inquit Budæus in commentarijs, ijdem penè sunt, qui δέσμοι ται, qui sacrorum curam haberent & legum, qui quotannis leges emendabant, & ad congruētiam consentaneumq; sensum reddebant. ἄρχων etiam dicebatur speciali vocabulo, qui præter iudicibus, iudiciorumque moderator erat. Ac puto tales magistratum inter Iudæos gesuisse Nicodemum. Iesum autem maius attulisse magisterium arbitratus, confitetur ipsum vel esse Deum, vel saltem Deum secum habere.

†De con- Respondit Iesus, et dixit ei: Amen amen dico tibi, + nisi  
sec. dist. 4 quis renatus fuerit denuo, non potest videre regnum Dei.  
Dicit